



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Domus Societatis Vet. Oetingae.

urn:nbn:de:hbz:466:1-13578

Domus Societatis Vet. Oetingæ.

In Gottes genaden. Wir Maximilian Pfalzgrau bey Rhein / Herzog in ob-
 bern vnd nidern Bayrn zc. ainiger regirender Fürst. Bekennen vnd thun kundt
 mit disen offnem Brief / für vns / vnser Erben / vnd Nachkommen regierend
 Fürsten. Als auf gnedigstes begeren des Durchleuchtigsten Fürsten / Herzog Wils-
 helm in Bayrn zc. vnser gnedigsten Herrn Vatters / im Jar / da man zelet / fünff-
 zehenhundert ain vnd neunzig / die Patres der Societet IESV bey der vralten heiligen
 vnser lieben Frauen Capellen zu Alten Oettingen ein Residenz vnd Wohnung nach der
 Societet Institut vnd gewonlichem gebrauch angestellt / darzue dann hechstgeehrter
 vnser Herr Vatter / wie auch wir zu vnserer angefangnen Regierung mit vorgeendem
 Consens vnd gueter einwilligung des Herrn Ordinarij Erzbischofen zu Salzburg /
 vnd Legaten des Stuels zu Rom zc. nicht allein den ort vnd platz gnedigst erkhauffen
 vnd außzaigen : auch von neuem zu einer Haußhürchen / Wohnung / vnd Gärten er-
 pauen vnd zuerichten lassen / wie dann solches alles daselbsten in einem Einfang beysa-
 men gelegen / mit disen anstößen vermerckht. Erstlich gegen Occident mit der Ordi-
 narij Kürchen vnd Haußporten auf die Straf oder gmain Gassen / vnd den grossen
 Freyhof / darauf die heilige Capellen steet. Item gegen Mittnacht an das alle Pechen-
 hauß vnd Gärten. Ad orientem auf die Traudfelder gegen Burckhausen / Ad meri-
 diem an der Burckhauser Landstrassen zc. sonders auch auf nottwendige vnderhal-
 tung / deren Personen / so von der Societet allda whonen / ein bestimbt jährliches Ein-
 kommen gnedigst verordnet. Nemlichen an Gelt tausent gulden / sambt einem Cen-
 ten Wax zu beleuchtung vnd gebrauch der obgedachten Haußhürchen / bayde dise von
 den gefallen vnd Einkommen der heiligen Capellen durch die verordnete Administra-
 tores zu Quattendern eingehailt / jährlich zuerlegen. Item an Waizen von vnserm
 Fürstlichen Eisten Amte zu Burckhausen jedes Jar vmb Galli fünff Schaf Landts-
 huetter maß zu antworten. Vnd letztlich die notturfft Prennholtz / durch die hiezue
 verordnete Scharwerckshuren zuufführen / vnd also hiemit disem Residenzhauß / wie
 solches an vns in seinem eingezognen wesen beschaffen ein nottwendige vnderhaltung
 gemacht vnd beschlossen / auch erzelter massen vor lengst gnedigst einantworten lassen /
 wie dan die Societet solches alles bis anhero zu diemüttigsten danckh würcklich ge-
 nußt vnd genossen hat. Nach dem wir dann mermaln den vilseltigen nutz der Geistlichen
 hilff vnd tröstung / so nit allein den Kürchsertern / welche in grosser anzal durch das jar
 die heilige Capellen besuechen / sonder auch den vmbliegenden Stätten / Märck / Dörf-
 fer / vnd Derttern durch die gedachte Patres irem Instituto vnd beruefnach erzaigt vnd
 bewisen wirdt / zu gemüeth / vnd Hersen gestert / auch in der Experienz befunden / daß
 dise angewendte Arbeit von Tag zu Tag an gedachten Derttern zu mehrer Frucht ge-
 langen thuet / So haben wir wolbedechlich mit zeitigen Rath / auß aygnem freyen wil-
 len vnd Fürstlicher macht / zu Lob / Ehr / vnd Preyß der Allerheiligsten Dreyfaltigheit /
 vnd ainigen Allmechtigen Gott / auch der seligsten Junckfrawen / vnd Himmelhö-
 nigin Maria / vnd allen lieben Heiligen Gottes / den obgemelten Platz / wie solcher mit
 seinen Anstößen gemerckht / vnd die darauf erpauete vnd zugerichte behausung / Kürchen
 vnd Gärten / sambt vnd mit den obspecifizierten jährlichen Einkommen / auch all
 vnd yeden deren zue : vnd eingehörungen / Rechte vnd Gerechtigkeiten / inmassen vnd
 gestalt sie die obgedachte Patres deren in würcklicher possession vel quali nutz / vnd
 gebrauch bis anhero gewesen / als ein geschenckht / geaignet / vnd ybergebens Aygen-
 thumb / vnwiderrueffliche ewige Foundation, Donation, vnd Stiftung ad pias cau-
 sas der Societet IESV auff ewig vnd immerwerendt confirmirt, vnd bestetiget. Con-
 firmirt vnd besteteten auch solches hiemit in krafft dis Brieffs / für vns / all vnser Erben /
 vnd Nachkommen regierend Fürsten in bestendiger maß vnd form / wie solchs in allen

Rechten zum crefftigisten erdacht vnd gestellt werden/ auch seyn soll/ khain vnd mag. Also vnd der gestalt/ das weder wir vnser Erben vnd Nachkommen/ noch yemandt anderer von vnser wegen/ in khain weiß/ noch weeg darzue oder daran khain spruch/ vorderung/ Recht vnd Gerechtigkeit zu ewigen zeiten haben/ oder gewinnen sollen/ noch wellen/ weder mit: noch ohne recht Gaislichem vnd Weltlichem/ sonder die mer gemelte Patres der Societet IESV vnd ihre Nachkommen/ sollen/ khönden vnd mögen angeregten Platz/ Grundt vnd Poden sambt den darauf stecenden gepeuen/ Rechten vnd Gerechtigkeiten/ wie auch das jährliche Einkommen an Gelt/ Wax/ Waisen/ vnd Holz oben specificierter massen yedes Jars einnehmen/ nutzen/ nütessen vnd gebrauchen/ damit thuen vnd handeln/ ohne yedermenglichs hinderung/ eintrag/ oder irrung/ nach gewöhnlichen gebrauch vnd Inhalt ihres Instituts vnd habenden sonderbaren Priuilegien wegen ihres hieoben specificirten Residens vnd Wohnung für alle grauamina vnd beschweruñß/ als Steur/ Anlagen/ Scharwerchen/ Beherbergung freier Leuth/ oder andere dergleichen Purden vnd Oblagen/ so an yeso seyn/ oder in künfftig erdacht/ aufgebracht/ fürgenommen/ vnd begert möchten werden/ deren allen vnd yeden wir sie hiemit/ vnd in Crafft dis Brieffs für vns/ all vnser Erben/ vnd Nachkommen genedigist befreyen/ vnd entledigen/ damit sie also desto freyer ganz vnuerhinderlich ihrer Vocation vnd Verueß nach der Seelen Hapt vnd Wolfarth auß- vnd abwarten khönnen vnd mögen. Wir wellen/ schaffen/ vnd beuelhen demnach hiemit ernstlich allen vnd yeden vnsern Pflegern/ Castnern/ Wautnern/ Berwaltern/ vnd andern vnsern beambten yestigen vnd khünfftigen/ zu Durckhausen/ Alten vnd neuen Dettingen/ vnd andern vmbtzigenten örttern/ das ihr sambt vnd sonders gedachte Patres vnd deren Nachkommen/ von der Societet wegen in khain weiß noch weeg beschweret/ oder solches andern zethuen gestattet/ sonder bey disem vnserm genedigisten willen vnd auffgerichtem Brief in allen seinen Puncten vnd Articulu wider meniglichen schutzen/ schirmen/ vnd handthaben/ das jährliche Einkommen mehrerzelter massen zu gebührender zeit volgen lassen/ geben vnd bezahlen/ daran thuet ihr vnsern endlichen zuuerlässigen willen vnd haissen. Zu Brckhunde vnd mehrer bekräftigung oberzehlten alles/ haben wir disen Brief mit eygenen Handen vnderscriben/ vnd mit vnserm Secret Insignil verfertigen lassen. Geschehen in vnser Hauptstatt München/ Nach Christi vnser lieben HErrn vnd Seeligmachers allerheiligsten Geburth/ den vier vnd zwainzigsten Monatstag Maij/ im sechzehnhundert vnd sechsten Jare.

Maximilian.

DE FVNDATIONE COLLEGII MONACHIENSIS.
EIVSDEM SOCIETATIS.

ANNVS erat Domini 1559. cū illustrissimus Bauarię Princeps Albertus huic Collegio initium ac originem daret, cuius foundationis causam præbuit partim bonus odor & fructus, quem de Collegio Ingolstadiano non sine celebri fama boni perceperant, partim negotium religionis in Bauaria tū temporis vtcunque turbatum, de quo Nobiles quidam grauitè disceptabant nouandæ religionis amantes, partim status Reipub. Monachiensis, quæ quidem in fide & moribus non optimè constituta videbatur. Locus Collegij delectus est à Principe in Monasterio Augustinianorum, qui, cū pauci adessent, facile passuri videbantur, vt pars horti ipsorum in vsu noui huius Collegij conuerteretur. illicque & domus & schola extrueretur. Quanquam postea, cū frequens discipulorum numerus nimium veterem Scholam impleret, longè amplior & commodior Schola successit, eaque ab ipsis fundamentis Opt. Mecæ-

natis